

Khristian Tangkou |

July 15, 1968 in azi Nu Chiinkhannieng toh Pasian dansienghou in Presbyterian Church, Tuining a ana kikhutsui uhi. Anupa un Pasian guolzawl na gil a ga goutan numei 8 leh pasal -2 ni anei uhi.

Amau innkuon kum 1982 apat in ana sepna mun Shillong ah ana um panta ua, ei Zou te a ding a bel pen ana hi uhi.

Tua hunlai in eimi umsun te pen Sepai sung a umte leh College kai khat leh ni bep ahi ua, eimi te kikhop dan a umtheilouziehin unau Mizo Presbyterian Church te ma ana bel vevaw uhi.

Kum 1998 in Zou Presbyterian Church, Shillong chia Hattuum ana ding in MGP etkolna nuoi ah ana um ua, (L) Upa Soizagin in a 50th veina MGP Session 2005 in Shillong Hattuum Upa hi ding in Ordination ana tang hi.

A kham kham in Hattuum te ana enkawl in Hattuum sung kiviaihawmna ah Chairman hina term 3 ana puo in, tuleh tu in LCC Vice Chairman ahia, Local Mission Board ah Chairman hina apuo hi. Ama khu mawpuohna ngaisangmi ahia, mite naa sepsah khu athanop na lam ahia, amawpuohna zou mi ahi.

(L) Upa P. Soizagin mi hina pen athei kha leh amu kha taphot in atheiding a, mizousie toh kipawl thei, mizousie itna chimtah a it mi

ahi. Numei, naupang chi umlou a Pawl theimi ahia, mi lungnieng mama lungthahlou mi zatat siem mi ahi. Tu leh ta it mi ahia, mingai huoi mama koima khentuom neilou mizousie houpi thei mi ahi, Shillong a eimi um zousien zong a it in a ngaina chiet uhi.

Tuaban ah mi damthei ahia, Doctor inn ashina ding a, a zawt chilou mukhalou pawl ahia, natna zong kidon ngai poimaw khollou thuohdan siem ama mihindan ahiziehin natna giltah ana nei lamzong kitheilou in khupnat leh gilnat ziehin dated 03-10-2014 Nazaret Hospital ah admit ahia, Doctorten anatna te ang et chieng un lungtang na (Heart patient) ana hi tamai hi. Kalkhat vel etkol ahi nuo in dated 09-10-2014ni in NEIGRIHMS Hospital ah refer ang bawl ua, Doctorten check up hoitah a ang bawl chieng un Diebatis sangtah ana nei ziehin operation theilou in um a, a dinmun in sietlam manaw deu deu in date 17-10-2014 zingkal lam dah 4:30 in a it mama a zil atate, a tute, apute, a it angai a nampi te, a Hattuumte nuosie in shitan dong a gin umtah a naa asep A siempa Pasian kungah khawldam ding in anah hu asiempan a beisah tahi.

Ama hinate: Shillong a Zou Presbyterian Church (ZPC) founder khat ana hi a, tualeh Zou Welfare Association (ZWA) founder member khat zong ana hi hi. Tuaban ah Zou Youth Organisation (ZYO) member khat zong ana hi hi.

Editorial

A^{masa'u} Local chin Ama Hattuumte lungdamna Achibai ka hing bawl hi.

Kum leh ha te hing pei liem zel in, tuamai hilou in lum leh vot leh guo zut daai kai hun te, damthei hun, dammaw hun te nawh tou in tu in pha vang hun bang i tung tou ta uhi. tam tan chieng a, a Hattuum te hing kem a, hing mapuitu Pasian min i phat masa uhi. Hun peisate i en zel a, Sepguol haa te hing bei in tu in District lieng a kum sim Khawmpite zou in ima naw ah Presbytery chin a Khawmpi hing um um ding te ah iki sakhawl ua, tualeh a khumsim na ding in Zou Synod a llveina kum sim Khawmpi Central Church Presbyterian Church ah um ding ahi. Tam a tung a i gente tahsa hagau a lawching tah a zah ahi theina ding in thumna toh pang chiet va ui.

Mangpan a itt mama Zou Synod Local chin a a Hattuumte tahsa hagau ah lamchin teng ah hing umpi chiet taken.

THU TUOMTUOM

leh

Thumpi dingte:

1. Pasian in i thumnate hing dawng in Zou Synod huongsung a District lieng a kum sim Khawmpi te kizang zou siengta. Thupina zousie Mangpan tang taken
2. Imanaw November 07-09, 2014 sung a Presbytery lieng a kum sim Khawmpi Zou Synod huongsung a Presbytery chin ah um ding hi. Tahsa, hagau a lawhtah a man ahitheina ding in thumna toh bawzui chiet va ui.
3. Apeisa October 08, 2014 ni in Zou Synod Organised na in "Church Leaders Seminar" nei ahia, Presbytery tuomtuom apat Standing Committee member te leh Zou Synod Executive Member teng toh Palai 80 val bang tel uhi. Resource person in Rev. Lalbiaknia, Administrative Secretary, Mizoram Synod, Manipur Area leh Upa Suankhanmang, Statistician, Zou Synod te pang ua, thupi in "Sawm-a-khat piehdan dan" zang uhi.
4. Eite tha tang a khovel gam tuom tuom a tanchinpha gentute (Missionaries) nasem te a dingin thumsah va ui. Tuaban ah ei Synod huongsung a sem lelte leh, FMPB tungtawn a i chawmte a din thumzing va ui. Aziehphep thau (gun) a sa kap tuten a kap khiet mai uh a hun toh sih a, i thau tang kap khiet in i tup, i ngiim na mun a sukhah/kapkha na e? chi etzui a poimaw mama hi. Tambang a bawzui lou na in i Missionary nasepnate kum tampi ana lawsam tahi. Ki en pha chiet va ui.

6. PWF	Kanan Veng	600
7. PWF Gunpang District Khawmpi tholawm		850
8. PYF Central Dist. Khawmpi tholawm		1064
9. PWF Lamka Dist. Khawmpi tholawm		1663
10. Nu Flora Hatnu	UK	35,000
11. PYF Tuiningkuol Dist. Khawmpi tholawm		435
12. Upa Goumang Central Church		500
13. PWF Central Dist. Khawmpi tholawm		4469
14. PWF Tuivai Dist. Khawmpi tholawm		883
15. PWF Lentang Dist. Khawmpi tholawm		980
16. PWF PN Khovong		500
17. Nh. Hoipi Tuibuang		700
18. PWF Suolam Dist. Khawmpi tholawm		334
19. Upa Lunchinthang	Lailam Veng	1000

Suunna

(L) HAV. UPA P. SOIZAGIN ZOU



(L) Hav. Upa P. Soizagin Zou Khu (L) P. Laltun leh (L) Nu Veikhochiin te tapa upa pen ahia, dated 16-12-1947 in phulpi khuo Tipaimuk Sub-division Churachandpur Manipur a ana pieng hi.

Kum 1958 in Phulpi apat Tuining khuo ah pmlut uhi. Kum 1966 in Assam Regiment ah lut in Indian Army naa sem in Havildar tan a kaisang in kum 1986 in Pension in ang pawt tahi. A pension nua in Punjab National Bank ah Security guard in sem a kum 2008 in Pansion mukia hi.

Aman pienpi pasal 5 leh numei 2 nei in tam anei a bang ahi uhi.

- | | | |
|----------------------|---------------------|-----------------|
| 1. Nu Lunzavung | 2. (L) Upa Soizagin | 3. Chinzalian |
| 4. (L) Gouzagin | 5. (L) Khamzalam | 6. Khamchinkhup |
| 7. Mrs. Hatngaiching | 8. Pauneithang | |

za'n nai 8:26pm in Laisiengthou bu tawpna Kihylna bu kisim in ana ki busuo ta hi. Mi tamtahn akibusuodan lamdang sain bang na chi bawl uh e chiin hing dong dong mai uhi. Akisim dan ahileh hasalou hi. Munkhat a mipi kipaikhawm a kisim louin, umna mun chiet ah sim thei dingin, simtu dingte sim utna portion ahisihleh asaituin Bible sunga hoi va achina mun khat pou pou piein tuami kaalkhat sunga sim zaw dingin hunchiem kibawl hi. Ata'ngpi'n mi khat tungah bung sagi tan bang kipie hi. Tuapen sim zaw a hichiengin asaitu(Pastor) kungah report ki bawl zel in tuachin aban a ding hing kihawm zel hi. Khatvei kipiea pum simloute *disqualified* in um ua, aba'n kipe nawn lou hi. Bible busuona ah pang thei nawn lou uhi. I lawchinna dinga pan latute zousie kungah nuomthu i gen uhi. Pasian in hing guolzawl chiet ta uhen!

Tu-le-tu a ZPC Bengaluru Hattuom poimaw thumna thei dingte:-

1. Two wheeler-1.(tu-le-tu in peitou lellel hi)
2. Zinpuon poimaw hi.
3. Computer-1.

THEISAHNA: Koi zong innlam leh mun tuom tuom apat a Bengaluru (Bangalore) a khosa dinga hing zuon,imi-isa Zouta ki chi pouma(koi hattuom umloua) tam anuoia address ah hing kihil dingin ngetna i kibawl uhi. Ikihiikhah loua iumna zong kitheizou loua dachienga buoina ituoh hun a lamkaite'n ang del theilouleh na hasiet lou ding, amaw nangman na ki puoh ding ahi.

Pastor Address leh Contact No: Rev Jonathan Nehlien, Zou Presbyterian Church,Bengaluru.

5/85 Anantharam Layout, 6th Cross,Hennur Main Road, Near Lingarajapuram Flyover Bridge, Lingarajapuram, Bengaluru-560084. Mobile: 09535042257.

ZPWF COLUMN

25th September-28th October 2014 sung a Tunnu Limbel a ding a panpina hing peteng tam anei a bang ahi.

<i>Min</i>	<i>Khuo</i>	<i>Piehzat</i>
1. Pa Nengchinthang	Talnuam	500
2. PWF Zomun(Anntang taang a pie)		400
3. Hauniang	Hiengdung	800
4. PWF	Central Church	1070
5. Nu T. Lalbiaksangi	Lailam Veng	200

5. Apeisa October 13, 2014 ni in Zomi Colony, MELC Hq.Church ah United Zou Organisation (UZO) makaite panlahna in Zou nampi thumkhawmna hun lawchingtah in kizang zou tahi. Khum nah UZO lamkaite, Pastorte, Upate leh Zou nam sung a mipi 150 val bang peikhawm in mipite phul gop in hitui, naptui luongkawm in kipum dim hi. Thumna itemte apat ichi i nam in a veinat diehkhol te chidamna, dihtatna, sienthouna, khantouna, lawchinna, kingainiemna, thuohzouna leh i nam sung a Officerte, sepna neite leh siem zilte a ding in kithum hi.
6. Apeisa October 10-12, 2014 sung in Singngat District Presbyterian Women Fellowship (PWF) te panlahna toh Singngat District Head Quarter Chruch ah Mangpan kum 50 tan a puitungna (Golden Jubilee) Pasian kung a lungdam thu genna nei zouta uhi. Khumnah Pasian thutah genna pen Rev. Kaimuonlal Bieltu Pastor in nei in Rev. Tualzachin, Sr. Executive Secretary in Golden Jubilee Message genna leh Souvenir honn nei hi. Thupi in "Mangpa khu ka hatna" ahi. Late 118:14. Tahsa leh hagau ah lawching mama hi.
7. Apeisa October 17-19, 2014 sung in Zotang District Head Quarter Muallum Presbyterian Church ah Presbyterian Women Fellowship (PWF) Zotang District te panlahna toh Mangpan kum 50 tan (Golden Jubilee) mel mu thei a puitung na Pasian kung a lungdam thu genna leh Ama thupina piehna in zang zouta uhi. Khumnah Rev. Khupkhansuan in Pasian thutah genna nei in Rev. Stephen Chinzathang Executive Secretary in Jubilee Message genna nei hi. Thupi in "Lam tungtawn Mangpan eite ang panpi hi" I Samuel 7:12. Hagau lam ann kuong imm mai hilou in, tahsa lam annkuong imm na zong um hi. Thupina Mangpa pie un.
8. Apeisa October 17, 2014 ni in Zou Synod panlah na in Seminar on "Statistic" chi thupi zang in kithuhilna Synod Committee room ah lawchingtah in kizang zouta hi. Palaite adieh in Local

chin a Secretaries te ahi. Resource Person in Upa Suankhanmang leh Upa M. Kamzadou pang uhi.

9. Pasion hoina leh umpina tang in October 24-26, 2014 sung Lamka Presbyterian Chruch ah PCI level a Presbyterian Women Fellowship (PWF) 15th Biennial Conference kizang zouta hi. Khumnah Mrs. H. Lalpiangthangi leh Rev. DC Hai a in Pasion thutah genna nei uhi. Tualeh Synod tuomtuom apat Palai peikhawm uhi. Khawmpi thupi in “Rise and built up” chi zang uhi.

PASIAN GAM VAWIHAWMNA COMMITTEE (MEETING)
CHIENG A UMDING DAN LEH HAMKAM ZAH DINGDANTE

*Rev. Hangpi Manlun
Moderator, ZPCS*

i) **Thupatna.** Pasion mapuina toh hun hun-le-kumte hing peitou in kumtop khawmpite melmuthei ding a iumtah ziehun lungdamthu Pasion kung ah igen masa uhi. Tualeh eite khu atangpi in hun chin a committee atouzingte, kumtop Vaihawmna (Session) chite a neitou zelte ihina ua khawmpi hi in meeting khat pou pou a ipan chieng ua ium ding dan leh ham-le-pau zahding dante uh ikikum ding uhi. A diehin in ei Presbyterian hattuumpen mimal thuneina toh kipui huoi kihilouin in Committee leh Session a kipui hattuumte ihiziehun tamna igen dingte uh khu ngaikhawh in zui isawm ding uhi.

ii) **Thu i kikap chieng un lungsim tahtah leh ngaisutna seng zenin kikum va-ui.** Awleh, Committee leh Meeting khat pou pou a ipanchieng un, amasapen in mite mitmei vengjing kawmin a ium sawm ding uhi. Tualeh Agenda khat ang kigen chieng in dingpai

pelpol louin, athukhu ngaitua masa detdetin ium ding ua, idin sawm leh puitu (conductor) khu Moderator or Chairman/Chairperson ahileh hoitahin Pu/Pi chiin ihan masa ding uhi. Thu khat pou pou ikikap chieng un ithulu (agenda) ma thupi ngaisut a, agenda polam leh utut

vai, chi in a zou hi. Tawpin mipite’n haitha lopna’n tangmai leh sprite kime hi. Haithah tuohkhawm Rs 180.- pha hi.

ANNIVERSARY MANNA Date 14/9/2014(Sunday) nai 10.30am-4.00pm tan biehin mun ah manna um hi. ZPC Bengaluru pen imi isa umte kihuoikhawm theina ding in kum 2009 in ana kiphut hi. Tukum 2014 in kum nga ching ta hi. Mangpa annkuong iimna kinei masain tuazawin mipi bie kikhopna kipan hi. Fifth Anniversary vaiguon kikhopna ah sepguol thupi ma kipeipi in thugentu Pastor in Jesu Khrist hattuumte lutang sermon ngaitah bawl hi. Lamkaite’n speaker tungah silpieh neunou khat zong bawl uhi. Bieh kikhopna zouin Seminar in zom ngal in Hattuum kivaihawmna pei ding zie leh bie kikhopna a kipui huoi ding dante, leh khopi sunga hindan dingte kihilna um in annkuong thumna Pastor in ne hi. Tuachin anniversary ankuong iimna kinei in mipite gilvasa’n kikhen chiet ta hi.

SEPGUOL MANNA September hasung pumpi ahina toh sepguol thupi “Jesu Khrist hattuumte lutang” chi peipi in Pastor in biehin ah Pasianni tengin thugenna neia mipi kikhopna ki bawl hi. Hattuum khu

Jesu chibah ahiman in alienpen apat aneupen tan in poimawna neiin a poimaw dan uh kibang chiet hi. Tualeh hattuumte lah a khat in lunggimna dana atuoh chiengin adangte’n zong ana thuoh pha uhi. Aziehpén tahsa pumkhat bahieng, kizopna nei ahiziehi ahi. Hattuumte khu Khrist tahsa bahieng khat leh khat kihanthawn a khat leh khat ki hamuontuo a um dingte ahi uhi. Khat khu khat a dinga ling leh khau a apan chiengin Khrist tahsa ahina leh chibah ahina leh Jesu melhoina alie Khrist batna khu phuol mang in aum leng hi. Hattuumte khu Khrist umdan la a Ama deidan a hinkhuo mang dingte ahi uhi. Khawvel miel gama a vah tuntu leh vahsa tu dingte ahi uhi chi in Pastor in gen hi. Pastor in a lemtan dan zil in hattuumte a inn uah sepguol kikhopna va neipi zel hi. Sepguol tuokhawm ahileh biehin bouah kidong khawm hi. Sepguol tuokhawm total Rs. 430/- pha hi.

HOLY BIBLE PUMPI SIMSUOHNA! LCC thupuosah banga tukum Bible pumpi simsuoh dinga ana thupuosah dungzui in March 30, 2014(Sunday) in Pienchiilbu ana kisim pan a Pasion umpina leh hattuum membete panlahna vang in October 7, 2014(Thawleni)

hoitah tah kingai khie a, thugen lasah anuom mama hi.

Report by:

Secretary

Lentang District (MGP)

ZOU PRESBYTERIAN CHURCH, BENGALURU

Amasa'n eite damna leh hunpha hing petu Pasion kungah nuomthu i tut uhi. Atunga thupi itahlat bangin Bengaluru ZPC tanchin thei ut tamtah ium ziehin tamnah report themkhat kang tahlang hi. A tanchin theia i thumna a iphawh zel na'nga hing ki bawl ahi. Ngaikhe vai le...

HAITHAH MANNA Dated 3/8/14(Sunday) in biehn ah kinei hi. Mipi'n phatna la kisain Pa Siampu (CPWD Koromangla) in kikhopna pui hi. Pantu Miss Kimboi leh tuokhawm donna Miss Hatneuin nei uhi. Tuohkhawm leh refrigerator latna Pastor in a nei zawin thugenna zom ngal hi. Levi 23:9-14 pan san in haithah sermon bawl hi. Sermon lahtom: Guolzawl na idonte mun danga hing kipan hilouin Pasion ang petu ahi. Ama kunga i theisah lou chiengin ang petu manghilna ahi. La'n loua zong zah theithou hinapi'n iva lat in Pasion iphawhna langsa in amin thupi sah hi. Pasion in sum tamtah mu thei ding in nna ang sem saha, khenkhat Pasion tungah kipa a Pasion a dinga apieh zing lain alelamah Pasion a dinga pe kilkel lou ki um thei nai hi. Pasion a dinga iit ihileh Pasion in

hing piehda leh bang i suoh diei? Kingaituo'n. Pasion a dia sil i pieh chienga ahoi pen pieh tup ding ahi. Pasion pen i pieh lou le zong zawng tuom sih va hinanleh i pieh in agen ut pen tah ahileh Ama apetu i theizingna khat ahi. Guolzawl na idonte Pasion kunga i pieh lou chiengin mi 'n hasatna atuoh hun a i panpi a anop sah hun chienga ang theiphah nawn lou toh kibang ahi. Tuazieha i tahsa biehn a ikilah zou lou hun ah zong i sumlepaite beh sawl in hoitah in pelei Pasion zong kipa in mipi zong lungdam va'n, tuamai hilouin hattuum a ding in zong sil phatuom tah suoh thei ding hi. Silpieh maimai i pieh pen Pasion itungah akipana bukim tuon lou hi. Pasion in silpieh mai aphut siha, eima i kipieh khu adeipen ahi. Silpieh lah a thupipen khu eima kipieh ahi. Mangpa a ding in i kipe

teng moh gen thanglou ding ahi. Thamlouin, agenda khat adingtam pen a panlou hamsawm a, en igenlou leh kikhelthei ding ahisih nahpou leh migen sasa zong vagen khellou zong akhohsih hi.

Tuaban ah, thu saupipi gen leh i agenda loup i sawigen leh utut in igen jel jul sih ding uhi. Tualeh, chiemmui bawl chite, thu khat pou pou neu ngaituo chite, mite taihil leh thupi simlou chite nei sih va-ui. Tuabanah kithupisahna kamteng leh atheipen bang thu gen lou a kingiem khiehtah a gen zawh ding ahi. Thu pen ahun-le-amun zil in athupi ahi. I thu toh kisai hoi isahna, hoi lou isahlounate, i muna, itheina, ideina, ideilouna, ithukimna thukimlounate ilawm iguolte theithe i ding a kam dam toh igen ding uh ahi. Tualeh aw sang zah, lungthah akitom, nuohtai chite ibawl sih ding uhi. Tualeh thu kikup laitah a ham/genlou a, ngaidan zong genlou a, top chieng a keipen in ithupuosah uh hoisa sing, thukim vot sing, kei hoisahna tambang hi chin nua gengen sih va-ui. I gen nuomte khu agen hun agen ding ahi. Thu kikup chieng a lungsim thepnei, lungsim koi leh naupang bang a helna lungsim ineite paikhie in, hoi isahnate gawmkhawm in, kikum lei hing hoi ding hi. Tua hileh itup-le-ngimnate kitang tun thei giap ding

hi. Tualeh committee leh meeting sung a na ihmud mai leh tawpkal naupang bang a ngahla chite zong iching sih ding uhi.

iii) I thupuosah leh Committee thute khu innsung leh hotel dung pou ah igen jeng jung sih ding uhi. Committee khat pou pou a apangthei ihi leh thuguh kemsiem mi ihiding uh ahi. A diehin sahkhuo lamkaite i ipilvang mama ding uh ahi. Committee topnailou a ithupuosah leh thu kikupnate khu hotel dung vel a, miteng kung a gen thaang mailou ding ahi. Eitepen Pasion thuguh enkawl-le-kemtute ihijieh un thuguh khu ikepsiem mama ding uh ahi.

iv) Thu khat pou pou atamzaw hoisahna leh kithukimna toh khen siem va-ui. Mihingte thu leh vai ahijong in iminam vai, i pawl sung vai igam ileitungvai hita leh jong ikikup chieng un, eima deidan tang tun sah teitei sawmnate, eima ngaidan beh thupisah luotnate, minthana utnate, ang sung khuolnate, topsan in atam jaw deinate zui sawm in vai ihawm ding uhi. Tuabang ithethei lou ziehun tahsa-le-hagau a ikivaihawmnate ah imasawnun ikhangthei sih uhi.

Vaihawmna khat pou pou amatzaw deina toh kalsuon in vaihawm lei kikhangtou teitei ding hi. Tualeh lamkai khat ihizieh a mani deidan leh ngaidan sum kuong chieng kei mailouin amatzaw deidan zuithei ding ium ding uh ahi. Tuaban ah, Pawlpi khat vaihawmnate khu mimal minphatna ding, maipha suina leh nnasep silbawl bang in ila in ingaisih ding uhi. Thamlou in, itungtang thu akigen leh agentupa/ nu khu galbawl leh ngaw mailouin committee lemsah ahi chin ingaituo ding uhi. Nidanglain, Unau Mizo Pastor khat a hattumte un singtang lam gamla deu mai khat ah a transfer ua, atate lungthahin koi e agentu chia vuoh ding bangphiel a asawm laiun Pastorpan, “*Committee te gen leh lemsah ahi chin*” atate ahanthawn akichi hi. Eite pen Committee thupuosah hijong leh mimal khat tung a lungthah leh ngawnate itop san uh ahunta hi. Tualeh lamkaiten jong vaihawmna thu kigente khu midangte maipha suina neisawm mai a keima hing guot leh gensah chite a ipawlpi min a nna kisemte khu a credit ilahsawmnate topsan ta va-ui. Thupina khu Pasian leh pawlpi pejaw va-ui.

v) Khat-le-khatte kithupi simna leh kizatat tuona toh sem ni. Eimite sung ah ipienna, iphung itang zui in

ahijong in, ikhuo i tui, imun imuol zuiin ahizong in, iham ipau i aw suote zuiin ahijong in, ham kithei, tou kikum khawm thei, lasa khawm thei, lai leh ngaina azangkawm thei hinapi khat-le-khat kimidang bawlin, kituom bawlin, kideidan in, kineu etin, kikhel bawlin, chiemmuina i ikinei ua, midangte thupi sim in ei-le-ei ikisimmaw uhi. Tuabang a ium ziehin kimai ngaplou, kiit lou, kipawlkhawmna tawm ahiziehin, nna isemthei sih uhi. Aituom nnasepna a ihat bang un, kipawl khawmnate ah ihat het sih uhi. Tuate ahiziehin mailam hun ah khat-le-khat kithupi sim in kizatat bawllei kiitna khang in, kipawl khawmna ah isemkhawm thei ding uhi. Tua hileh igam ilei ikhuo leh tui ang nuom mama ding hi. Tuachin ihing hat mama ding uhi. Tualeh vaihawmna khat a ipanchiang un ibawn un kibang ihilam manghillouin ikizatat tua ding uhi. Thamlouin ilawm iguolte thugen khu hoitahin ingaisah ding uhi. Tualeh ilawmte leh ei ngaidan akibahsihtah leh jong thakhat thu pongsel mailouin, Etsahna ding Amanu/pa/member zatathuoi in hichin gen jong leh amangaidan hoilou china hipongsan lou in kei ngaidan in hichi zaw leh chi lei miten zathada lou ding uh. Musitna

27th Session Cum Election TUININGKUOL DISTRICT PYF (MEP)

October 03-05, 2014 sung in Kuvan Presbyterian Church ah ZPYF thupi Khanglai Jesu Khrist kinepna chi thupi a zang in Pa Suankhankhual, Promotor ZPYF, Upa T. Mangnou District Chairman, Rev. Awnkhankhup, Bieltu Pastor leh P. Khupchinlam ten Pasian thugenna nei in Khawmpi Palai mi 100 vel peikhwim in Pasian hagau pawlna toh man zou ahita hi. Zintun na lam ahileh Common mess ahi. Tam anei a teng in kiphaltah in sum ang tuoh uhi.

1. Pu Tuanlunlal	Rs 1,600	2. Pu Ginsuonkhai	Rs2,000
3. Pu Dalthang	Rs 2,000	4. Pu KC Mang	Rs 500
5. Pu Goulal	Rs 1,000	6. Pu Tongkai, MDC	Rs5,000
7. Rev. Tualzachin	Rs 500	8. Pu Hawlngam	Rs 150

I Tangkou tungtawn in ama uh te tung ah kipahtu katun uhi. Pasian in atam zawsem in guolzawl taken.

2014-2016 sung vaipaw dingte:

Leader	: Pa Zamlienthang, PN Khovong
Asst. Leader	: Pa Mangneu, Kuvan
Secretary	: Tv. P. Kapkhenlian, Tuining
Asst. Secretary	: Tv. Manglunlal, Kuvan
Finance Secretary	: Pa Suankhankhual, Sangaikot
Treasurer	: Nh. Nianglunching, Tuining

Note: Kum kia Khawmpi mun ding, Presbyterian Church, Zomi Zion

Sd/-
Zamlienpau
Leader

Sd/-
P. Kapkhenlian
Secretary

LENTANG DISTRICT SEPGUOL

Lentang District Sepguol kisuhtuona amun Lentang District Hq. Church Tuibuang ah kinei in khochin report na ngaikhiat ahia, khochin in sepguol 2014 mangnuom mama hi.

Tualeh 26-28 September, 2014 sung in zang in tuami hun sung ah Bieltu Pastor Rev. Thangboi Khuongsai in in thugenna nei in khochin Lapawl

thei hi. Office nasepdan (Procedure) kituptah nei khu pawlpi kituptah leh detdou hina ahi. Pasian gam nasepna Office ahiman in Solkal Office sang a kitupzaw, muon huoizaw leh siengthou zaw ahi ding khu mizousie koidan ahia, thumangtah, pawnthawtah leh gin umtah te nasep namun ahi ding ahi.

Worker kisuonkuol a, alui a tha a kihen hun a zong Office nasepdan a pa ngai ahi na ding in Office Pro-

cedure nei poimaw tahi.

Tunia semtute gin umna leh pawnthawna a Pawlpi kingah pen, amaute a kumtawn a sem ding ahisih ua, damlou, hatlouna zieh leh Pension hunte ziehin mitha (New Appointment) zat hun ahing um ding ahi. Khatvei thu in mitha bangzat i zang in zong Office nasep a nawngkailou na ding in Office Procedure (Khuttawibu) inei bang ua nei poimaw tahi.

Reports

ZOUTANG DISTRICT SEPGUOL

Date 27/9/2014 Kiginni in Zotaang District sepguol kisuhtuona District Head Quarter Muollum Presbyterian Church ah nei ahia, Hattuum chin Secretaries teng in Sepguol aman dan uh report ngaikhet ahia, duthusam bangin zang thei suohsih nanleh atamzaw Hattuum ten date 1-24 Sept. 2014 tan Biehinn ah Kiginni, Pasian ni kizang in tualou teng innsuon ah sepguol ahidung zuiin Biehinn kailou lah ah peipi kisuoh in a phattuum mama ban ah amau uh innsung condition zil in Social gospel lam pang kihabawl hi. Aziehpun isepguol Programme a i thupi te bang mun tamzaw ah applicable lou asuoh ziehin a inn neite in bang natna nei bang damdawi pieh ding pawimaw chi ka sai zaw uhi.

Hattuum chin sepguol tuohkhawm

1. Muollum	Rs. 11,059	2. Buhsau	Rs. 1,765
3. Belpuon	Rs. 705	4. Hiengmuol	Rs. 310
5. M. Buongmun	Rs. 200	6. T. Khajang	Rs. 550
Total	Rs. 14,589		

Report petu

Sye Goukhenmung
Finance Secretary, Zotang District.....

kamteng leh nuoisiana kamtengte khu miten zada in thuohtheilou uhi. Tuaziehin hamzah dan pilvang in iguolte jahnop ding kamtengte zang lei pichin huoi mama ding hi.

vi) Kithumanna thupi ngai sah va-ui. Mi pawl khatten hausa upa, syete leh makaite thumanna pen miphahlouna, guol lelana, fellouna, kisimawhna, mi nuoi aumna, neuna pou isakha leng uhi. Tuabang a lamkai vaihawmte thu manglou a niel gopna in, hamkhum gopnate pen, hangsanna, pilna, thutheina, guol tungtuonna dan khatin mu in i patat bawl kha zenzen uhi. Nule-pa thu, hausa upa thu, shiete vaihawmte thu manglou leh zuilou ihmman un, ipilding za, siem ding za, ituoh phat ding a ikamphat ding za in ihampha sih uhi. Supna-le-matun zoulouna ituoh kha leng uhi. Tuaziehin i innkuon sung, ikhuo itui leh ihattuum pawllpite sung leh igam ilei a khat-le-khatkithupi sim in, kithuman lei minam ngaina leh biehnate ah, ikigawm khawm thei ding a, i gam zong hing nuom mama ding hi. Gam khangtoute leh minam khangtoute khun alamkaite uh thu uh amangun akituoh ua, tuachin Namthupite ahitangpi uhi.

vii) Tualeh Committee khatpoupou a ilawm iguol toh ingaidan akibah

sihtah leh jong kimuda mai sih va-ui. Tualeh Committee masang a campaign mabawl a mite thugen ding dante mahil/gen leh tup-le-ngim neisa i umlou ding uh ahi. Tualeh vaihawmna khat pou pou a ipanchiang ua, ilawm iguolte toh ingaidan akibah sih leh jong mite pong mudamai louin *ingaidan kituohlou ahigiep a ei mimal a kimudan chite iching sih ding uhi.* A thu ikihausah/nielsah ding ua eima mimal vang ikihuot leh ikihau kailou ding uh ahi. Tambang iumthei chieng un mipi ching ihitheipan giep ding uhi. Tualeh akhente khun imuda leh kituohpi lou khat in bangchi bang in thuhoi gen leh jong selkhieh sawm teitei chite jong naupan vai leh pichinlouna chi khat ahi kia hi. Tuaziehin mimal tah a ikumudana leh theisiemlouna umkhate khu pawlpi leh committee na mun vel a phuba kilahna ineilou ding uh ahi.

viii) Kimai etna leh be-le-phung vai toh vaihawmlou ding ahi. Committee leh Meeting a panchiang un lamkaite mai et leh be-le-phung vai a vaihawm lou ding ahi. Tulai a dahuoi mama khat ahileh thudihlou theina zenpi a ahuntah a gen ngamlou chite khu duhdahlouna chi khat ahi. Hattuum-le-pawlpi khat in sih-le-tang a ang guot/sawl

chieng un ihattuom dan-le-dun leh hinate igup tinten mai ding uh ahi. Koi e khat mai et leh amitmawna uh gen ngamlou ding khop a mikhat sakhou (pocket) a i saltanlou ding uh ahi. Pasian deina bang e chi ngaituo kawm a adihlou hia itheite pen hangsan tah igen ngam ding uh ahi. Tambang a Upa lamkaite iding ngamlouna in hattuom vaihawmnate jong khovel politics vaihawmnate sang in anieh johna leh gen leh sah ding tampi ang umthei leng hi.

ix) Committee (Meeting) puitute umding dan. Kumtop khawmpi e, ahisih leh Committee khat pou a chair nalah leh memberte thugen leh ngaidan hoitah ngaikhieh a, atamjaw deidan hiding igintatpen a thutanna bawl ding ahi. Tualeh kiliensahtah mai mithugen ngaikhiehsahlou leh thusimlou chite bawl hetlou ding ahoi mama hi. Ei a lamkaipen ihivang a agen tampen leh mani thu tunsah teitei chite bawl keilou ding ahi Nidanglain pastor khat a ki-transfer leh utlouin keima power in suoi kakai sih ding achimai hi. Tambang ngaidan khu vaihawmtu chitlouna suhlatna ahi. I vaihawmna sung atamzaw in adeidan ahileh ishina ding ahitah jong leh lemsahpi mai ding dan ahi. Tualeh Committee a alaigeltu ihitah leh jong miten agen masang leh Chairman in agenda a

move masang a nagel mailou ding ahi. Hoitah a nangai khinkhien a Chairman/Moderator in thupuona ang bawl chieng a gelpen ding ahi.

x) Vaihawmna mun ah ihagau mitna i suhlat jing ding uh ahi. Tulai mipawl khat kihagau misah khen khatte khun hattuom vaihawmna khu tahsa sil in angai un panlou ding chibangin ngaidan anei uhi. Tuabang mite khun mite vaihawmna bang anuo soisel leh adem thei uhi. Tuanah sang ahitheitan a pan a ahoilou laite siemphat sawm a hagau mitah a jong vaihawmthei ahi. Hattuom leh Organization tuomtuom ah vaihawmna (Administration) ahoilou chieng tua hattuom/pawlpi khu ahatding bang tah in ahatthei sih hi. Tuaziehin vaihawmna khu Pasian thu leh hagau thu ahichi thei kawm a lungluttah a pan khu pawlpi chidamna khat ahi.

xi). Akhumsitna ding in. A bangteng hileh jong Committee khat pou pou a ipan a atamzaw deina bang vai ihawm nuo un, i lemsahpina khut itun nua un hoi in hoi sih leh jong ithupuosah mama khu igup tinten mai ding uh ahi. Tamkhu pichin vai leh lamkai chitna khat ahi Eima thupuosah sah khu anuo deilou a complain bawl mai khu silchin

* Pawngpo sim ding ahisih a; theinopna lungsim nei sawm in na sim sungin lungsim dang geel sinlen, nalai sim ah na lungsim teng bungkhie'n

* Na laibu simsawm thutup taangpi thei sawm masa'n

* Na nichin nasep poimawte lah ah khatin zeptel zing in.

* Phamsa, Pu T. Gougin in: "Ni

khat in English Word teng thum thei lachin, kumtawp chieng leh deiguot in Sap ham na ham thei tading hi" ana chi hi.

Ni khat sungin lai sim hun ding Minute sawmthum guot zingin, sim lachin kum khat sunga dahkal 8,760 vel um lah ah na laisim hun gawmkhawm khu dahkal 182.30 ang ching dinga, puihuoina thu ah na buoi nawnsih himhim ding hi.

ZOU PRESBYTERIAN CHURCH SYNOD OFFICE NASEPDAN (OFFICE PROCEDURE)

By Upa Kamzadou

Zou Synod Manggam nasepna field work hi in Office work hitaleh tunitan dong malam nawzel a ikalsuon thei man un Pasian min iphat uhi.

Presbytery a ikipuoh lai ua kipan in vaihawm lamkaiten nasepdan kituptah ana ngaikhoh ua, nasepdan ding toh kisai Committee thuphasah mai hilou in khuttawi bu kituptah ana bawlkhe ua,

tunitan dong in tam khuttawi bu i zatat in i phattuompi mama uhi. Upate hi in Pastorte hitaleh tam khuttawi bu zangte pen Hattuom nasepna lam ah a gammang ngaisih ua, aseppabawl uh a kitup in etton tah a ching zel hi.

Tambang a field work lam nasepdan khuttawi bu kituptah inei lai un, Office lam nasepdan Procedure kituptah ineilou uh poi mama hi. Office nasepdan (Procedure) kituptah neitham ching a Pasian phungvuona i tan man un zong Pasian min iphat ahi. Solkal (Government) in Office Procedure kituptah a nei in Office nasem te Office procedure exam na bang a neisah zel ua, tuachiin Office nasem (Employee) bangzat a kiheng in zong buoilou in nasep a peidan ngai in a pei zing

LAISIM KITHA PATKIA VA UI

- Upa T. Langkhanmang
Presbyterian Hattuum, Tuining

“Laisim kitha pat” chi umzie khu, lai khu na simsim kha malei, laisim a poimaw dan ngaituo kha ngai vatehlou bang hi a bailama, tha jel a ngaituo in eima leh midangte chawmna chingin sim lei ichi nopna ahiding hi. Laibu dang dangte vang eima chiet hithei leh lemtanna bang hi taleh; adiehin Pasian lam thu Bu te, Hattuum Danbu mite puihuoi theina dinga phattuum thei laibu poimawte i gen nopna ahi hi.

Lai vang ina sim ngut a; hinanleh midangte chawmna ana ching lou thei mawh hi: En vai!

“Khum laizuol khu, lain ka ne leh, ka kamah khuoizu bangin ahum a, ka gilah, akha hi” Thup. 10:10.

A mawl leh tom thei pen in, i laisim khu umzie nei leh phattuompi thei ngei dinga tupna nei taha sim a, haizana hinpi a, midangte mop sawn ding khu insung leh khotaang, Hattuum mite dinga lampi hoitah a suo theina dingin i laisim in eima ki zousah ding china ahi hi.

Laisim lou leh experience um louna lamkaina dawkan nei a um miten puitu hoi leh zui thei ding mi a suisui uhi.

Silbangkim khu ama Dan banga bawl lou miin, atupmun a tun zou ngai sih a; tuaziehin lai khu asimdan leh phattuum taha sim dante leh, lai tawmnou sima tampi theithe

na lampi phabep i tahlang ding uhi.

Lai simdan theisiem lou mi’n, sim ngap huoi sih; kasimsun zong theithe sing; jong chiemte theising; eibang mimawl, bangtoh belap sing etc te chi a, paulap suimi etkolna dawnkan nei a tou, innsung mite leh ama enton mite a dinga beidon huoi mama thu ahia, ama nuazuitute banga chi tadiei?

I. LAISIM DAN DING

* Lai nasim ding chieng leh, laisim poimaw dan leh manphat dan leh phattuum dan leh laisim lou a um khu sil khawh ahidan ngaituo masa in.

* Thu theina panglou hinkhuo leh theina toh pang lou a mite pui theiguol ahi loudan thuuh tahn ngaituo masa kia in, tuate’n lai sim nopna lungsim ang guon thei giap ding hi.

ding in ahoisih hi. I Khut tuna leh suoikaina khu igup tinten ding uh ahi. Tuaban ah groupism chite leh lang nei sih nei a thu igenlou ua vai jong ihawmlou ding uh ahi. Adiehin Pasian gam vaihawmna ah silzousie vompri satu a tumailouin, eisang in midangte hamphatna ding ingaituo thei chieng un tusang in ikhangtou jaw ding uhi. Tuaban ah,

ithupuosahte khu ahithe ham leh top masanga secretary in khat vei teitei sim suohsah phot a adihlou lai umte khu siemphat jeljel ding ahi. Kimuong jiehh leh kin zieh pou ithupuosahte nuosimlou mai khu bawlkheltheina tampi aum thei hi. Mangpan simtu zousiete hing mapui zing taken! Amen.

GASUONA HINKHUO

-Rev Jonathan Nehlien

Pasian in Israelte kunga na luo ding ua ka chiem gam na tun ua a gangaa na hing khop hun chiengun, a gam gaate laha ga masapen Siempu kungah na hing tawi ding uh ahi. Tuapen Pasian a dinga setuom leh siengthou ahi ding achi hi.(Levi.23:10).

Khristian gingtu hinkhuo ah “Amasa” chi pen thu poimaw mama khat ahi hi. Mi zousien ngai poimawna I dei chiet mabangun Pasian in zong Ama deisahna sangpen ipieh khu a lamem zing a, deisahna kilat theina ahileh Ama I silbawl I nasep ah suhlat zing khu ahi. Kaam(Job) imu chienga Pasian kungah nuomthu tutna neimasah pen, khenkhat in a halaw masapen bang pie uhi. Hun thu ah ni khat sunga hun masapen, kalkhat sunga

nimasapen, kumkhat sunga ha masapen, tualeh ilousuoh gamgate lah a gamasapen tualeh nitha bang ikilaw chienga ithaman masapen, Pasian a dinga pieh doh chite agenna ahi. Na hinkhuo ah Pasian akhatna na koi theina lampi tuomtuom umte ahileh :-

• **Thumna na nei chiengin.** Jingkal na thaw chiengin sildang bangma na ngaituo masangin na ngaituona masapen Pasian

a dingin na pe thei hi. Sildang na bawl masangin Pasian toh nitengin kihou masa pen in. Na inkuonte adingin khawllouin thum in, sumlepai a kitun ding na ding, guolzawl tan theina ding, damtheina ding leh na poimaw zousie a dingin thum in. Pasian in na ginumna khu ang theipi ngei ding hi.

• **Silguon na nei chiengin.** Tuni hun akipat in kumkhat chinna ding ni bangza akivat ei, tua nite bang chin na mang diei? Tam ni leh hunte iman zaw theina dingin thumna toh silguon(plan) hoitah nei poimaw hi. Thupil in “Na sep ding guongtuoh masan len na guontuoh bangin sem khie in” achi hi. Pasian kunga ithum mai ahuntawh siha silguon neia tua I silguonte pichin na dinga pan lah kiphawmaw zel hi. Tua silguonte eima hatnan ki pichin zou lou ding ahiziehin Pasian mapuina poimaw hi.

• **Silpieh na pieh chiengin.** Na lousuoh apat gamasa hisihleh lawchinna tungtawna mu masah Pasian a dinga na piehna in mabana guolzawl na tan theina

ding leh tamsem na gaa theina dinga achi tu na hi hi. Na nei zousie Pasian akipat a silpieh ahi. Tuateng nangma a dinga kikoidap theina leh Pasian a dinga piehthuh theina deitena na nei hi. Pasian thei miten sum le pai amu chiengun zong Pasian a ding koikhe masalouin asumte uh zang ngam ta dilou uhi. Pasian sumpi akoi doh zou chiengun zang ngam pan uhi. I hausat theilouna uh point khat ahileh Pasian a dingin bangma ipe ngam sih ua, manna in I ngaituo nalai uhi. Pasian a dinga phalloua sildanga dinga I phal zing laisie uh I sakhou uleh I ip uh avangsa ahi den ding hi.(Malaki).

Laisiengthou ah gaa ding a thupiehna mun 32 sanga tawm zawlou ah kimu thei hi. Gingtu hinkhuo a kipahna leh thanopna aum theilouna khat ahileh gasuona mu ding aum lou zieh ahi. Gasuona pen lawchinna zong chi thei ahi. Mimal, inkuon, khosung, khotaang leh hattuum sung hileh ahoilamah gasuona mu ding avang mama hi. Tuaziehin gasuona dinga poimaw mama point I tahlang ding uh:-

sunte zong sakhuo ngaisah seng lou ahivang a gingtu dihtah dan a kingaituo itam ta ua ama uh te setan khutnuoi a um ahilam uh zong akithe phadie sih ua, hinanleh setan khutnuoi a um kia ahilam uh aki theikia chieng un gamlapi tungman ana hi zel uhi.

Hagaulam a basam kiate ahalthakia na ding un Hattuum pawltuomtuom ten haltha na Camp akinei zelzel a Hattuum zong hat zawdeu thei dng dinmun a aum tahchieng in setan in pan lah dan siemtah leh kukal tah in Hattuum Upa te tung vel ah na hing sem touzel in Hattuum pawl tuomtuom akikhenna ahing piengkhiendoh zel a tuachin, Hattuum sungah mi hingkiem in sum leh pai muna zong hing kiem zawjel in Hattuumte khantou ding bang taha khangtou theilou leh Manggam kinei nanleh Manggam kehlet ding bangtah a kehlian zoulou in i um khazel uhi.

Hattuum Upa ten nasatah a pan hingla in tun pawlnih te Zou Synod khat ah a um khawm thei ta a Synod khat a aum masanglai

sang in akhangtou zawtham tahl. Zousung a Hattuum te lah a zong khantouna masawna thupitah a um theina ding deina in zou Synod khat a kipumkhat veh theina ding lunggelna a um zel a pawl tuomtuom a Upa ten ngaituohna nei z elzel nanleh uh tuahun tah chiengin setan in pan lah dan siemtah leh kukaltah in pan na latou zel ua, khum zieh in zou sunga pawlpi tuomtuom um teng kipumkhat theilou in aum khajel hi. Zousung a Hattuum pawl tuomtuom um teng Synod khat ah ki umkhawm ve hileh tudin mun sangin zong aleh tamtah in ikhangtou zaw un anop zawtham ding hi. Koipou pawlpi khat a kigawm ding ki ut chiet ahivang a soldan siemtah setan in mi koikoi e khat thuzawdan siemtah a athujaw chieng a kigawmna tahtah um theilou zel dan ahi. Setan vang a kipumkhat theinailou teng banghun chieng in kipumkhatna ni a hing suoh diei maw? Synod khat a kipumkhat theina ding ni ang suoh ding kal ngahlah huoi tei vawt ma e izaw.

LEI KISIEMCHIL A GAWSA BELAMNOU

- P. Samson Chinkhanlal
New Lamka (G)

Mangpa Jesu AD bullah a hingpieng hingal a bangzieh a lei kisiemchil a gohsa Belamnou kichi thei jel amah chi dohna a um thei, Pasian in lei leh van asiemchillai peh a pan mihing asiem ding dan leh mihingte akhelling dan leh mikhielte gawtmun Meidil a genthei tah a um ding lai a tapa taang a tatkhiet apoimaw ding ana sepsa ahizieh a lei kisiemchil a gohsa Belamnou kichi ahi.

Tuachin, leitung ah Jesu tatsa gingtu tamtah ahing umta a dawimangpa zong chimawh kisa deudeu in, gingtute douding leh ama khutnuoi a umsa veh dingin setan ahingsawlsuh a ama um nalam ah ginglou mitamtah aum a, agallang ah gingtu tamtah aum hi.

Gingtu ten Setan khutnuoi a um mite lah ah Khantanhoy thu puonzah ding a tuipi tung a ahing peichieng un setan in tuipisan a kinawngsah jel a gentheina hahsatna chinteng pal in thuohnan leh a sawl teitei zieh un setan khutnuoi a umte lah a Khantanhoy thu ava puongzah thei zel ua, mi tamtah suohtat ut in tuipi gallam zuon in ahingpei vaduom zel ua, setan in tuipi ana ki nawngsah chieng in mi atamzaw akinualekia zel ua hinanleh setan khutnuoi a um ahi lamlam uh zong

akitheipha nawnsih uh. Hinanleh setan khutnuoi a um kia ahilam uh akitheikia chieng un gamlapi tungman ana hizel uhi.

Nidanglai a Missionary ten gentheina hahsatna chinteng pal in thuohnan leh uh ama uh hatna bepsuonglou a Pasian hatna bep suong a kal asuon teitei ziehun gingtu hing kibehlap toutou in Mizoram ah zong Khantanhoy thu ana tung a tuana pan in ei Manipur singtang gam ah zong ahing tungsawn a achillai in doutu daltu tamtah um nanleh awlawl a gingtu hing pungpung in tuchieng in zoumi ham kithei tuo teng gingtu dan in ikikoi thei tawp tamai uhi.

Solsiemtu setan in pan hing la zel in mi tamtah zu leh sa leh khamthei ah hing kibuol in akibuol khalou

• **Gasuona dingin Pasian a um zing poimaw hi:** I Mangpa Jesun (Jn 15.4,5) keia na um uleh hagau in na ga ding uh achi hi. Ama grep bulpi dihtah ahiziehin ama toh kizop lou pouma gaa thei ngeilou hi. Tuaziehin Pasian a um zingna khu gasuona kipatna ahi chi thei poimaw hi. Gasuona hi Pasian et dan a sil kilawm leh hoi ahimai hilouin Pasian thupina ahi. Khantanhoy, Jesu iitna thu tam khovel a puonsuoh ahitheina dinga ihitheina tenga pan ilah ding ahi. Khantanhoy ah mite hundamna lampiah pui in hundam theina silbawlttheina anei ahi. Alelamah ei Khantan hoi puong zahtute in bangchibangin pan lananlei I thupuoh toh kituoh a hinkhuo mangloua khovelmitna leh khovel thupinate ietla in khu I khantan hoi puonzah khu miten asaang thei sih ding ua zong asaang nuom sih ding uhi. Paul in Phillipi hattuumte kunga lai ahah in na umdan uleh Khrist khantan hoi hing kituoh pouma phot hen achi hi. I hinkhuo ut dan dan a mang ihileh vang i khantan hoi thupuoh bangmalou suoh ding china ahi.

• **Gasuona dingin dindet kuul hi.** I Mangpa Jesun haichi thepa gentenan thu ana gen a, thuohzawna ineileh gasuo thei ihidan ana gen hi. Luke 8:11-15 gentena hilchienna khu tami ahi. Haichi khu Pasian thu ahia, lei hoi na muna haichi tute ahileh Pasian thu ja a pom a, hasatna toh zuia gaa suote ahi uhi. Suongtung leh ling lah a haichi tukhaten gaa suo thei lou uhi. Hinanleh leihoia munlah a tuten ga tamtah asuo uhi. Thuohzawna panglouin leihoia tu haichi bangin gaa tamtah kisuothei lou ding hi. Loubawl mipan a haichitute thuoh zou tah in ang pou ding, ang khan ding leh apichin a, gaa ang suo ding angah ngit nget bangin eiten zong thuohzawna toh hinkhuo iman lou in khu ganempi isuong thei sih ding uhi. Mitamtahte aga theilouna uh khu ahileh lungthahna leh lungtomna in ahinkhuo uh aluodim pai pai zieh ahi. I Mangpa Jesu Jerusalem Temple sunga a lungthahna pen lungthahna dih ahi. Tuabanga hiloua lungthahna ngen a hinkhuo iman zing chiengin koiman hing

nai ngam lou hi. Nai ngamlou gingtu khu miten huphul den in koiman ngai theilou hi. Tuamai hilou lungthahna ngen a hinkhuo iman zing chiengin Pasian apat kigam lain Satan kinai hiai hiai hi. Mi tamtah in tulai khovel ah gumdeu ngai ahi chi in awm phoudoh in mi kizausah uhi. Tuabang khu I Mangpa Jesun ang na zilsah dan hilou in Dawimangpa a hing kipan hizaw hi. Dawimangpan ahileh mi kizausah ding, lungkhamsah ding, kingaise sah ding Pasian zong gintat sah nawn lou ding chite a policy ahi. Tuaziehin lungtomna leh lungthahna hinkhuote ing zaw chiengin Pasian ah ing um thei pan dinga, Ama a ing um thei hun chiengin gaa nempi igaa khe thei pan ding hi.

• **Gasuona dingin Pasian toh kikal a thuchiem suh tangtun poimaw hi:** Gaa masa chi umzie pen Hebrew kammal ah “bikkurim” chi ahia tuakhu ang tangtung ding thuchiem china ahi. A thuchiem a zuou ngeilou leh a thuchiem a pelngeilou khu Pasian

ahi. Pasian toh mihingte kikal ah thuchiem ana um a, guolzawl na dingin zong thuchiem aum a, tua khu isuh tangtun in chu Pasian akipat guolzawl na pen eia dinga aum sa ahi. Amabou Pasian toh ikikal a um tua thuchiemte zuiloua, sildang I lunggul zing in chu guolzawl in ium thei sih ding hi. Ajiehpen Pasian in eite lawching ding leh gasuo dinga ang dei ahiziehin gasuolou leh lawsam a ium ding Pasian in deilou hi. Tuaziehin gasuona pen Pasian toh ikikal a thuchiem umte isuh tangtun leh I suh tangtun louah kinga hi. Na nei nalam toh Mangpa pahtawi in achi ngal a (Prov. 3:9).

Theikung gaa loute phuo leh meia haltum ahi bangin nang leh kei zong phuo ihi louna ding leh haltum a ium lou na dingin Mangpa toh kizopna hoitah neiin Khristian gingtu hinkhuo a poimaw mama - itna leh thuohzawna toh gasuo thei lei. Mangpan athu guolzawl ta hen!

EIMA LEH EIMA SIEM KITANSAHNA

(Mathiu 7:12, Luk 18L11-13; Luk 6:41-42)

- *Upa Chinsuanthang*
Presbyterian Church Lailam Veng

Tulai khovel leh Hattuum pawlpin i bawlkhel uh alien pen eima lam ihinkhuo kien lou in midangte mosahna in i pumdim ta uhi. Apoi mama hi. Jesun tanchinmoi Mathew ah min na tunga abawl dia na deite mitung a bawl in achi hi. I nasepdan, ithugen, igamtat, ikhawhei dan ki en tha va ui, eima leh eima kisiem tansahna hi Pasian in angaisang sih hi. Pharisa leh Syekhoh mi thumna ah en tha va ui koi pen Pasian toh akilem zaw uoi?

Mite khelna mohna chitlahna suisui mai CID/CBI te inquiry bawl bangin amasa in eima mit a inkam/singluong lakhe masa in tuozou chiengin mi mit a nin them neunou lakhiet sawm vai khum khu Pasian deidan ahi hi. I bawlkhiel sawt sengta uhi. Sameul laibu sung ah i et leh David nasapi a abawl khel/ asukhelna a, kitheisih hi. Eite zong piengtha kisa Hagau mi kisa a loi leh guol te dandan mai a thu igengen lai un Pasian toh kigamla

nalai ihi uhi. I Pienthana i hagau mitna i Hattuum ten bang chin a ngai di uoi midang ten bang chin angai ua, pienthana dihtah in koima a dem ngai sih a hatloute a thumpizaw uhi. Mizousie toh akilem uhi. Mimal chin kientha in ei leh ei kisui chien vaui. Khum khu Pasian deidan ahia, Hattuum leh khotaang chidamna ahi ei leh ei kisiem tansahna/ei leh ei dih kisahna Pasian huot pen ahi.

A Monthly Christian Magazine

An Organ of the Zou Presbyterian Church Synod



Khristian Tangkou

Vol. 50 || No. 11

Suopat kum: 1964

NOVEMBER, 2014



Editor: REV. TUALZACHIN

Undelivered
Please return to:

The Editor

Khristian Tangkou

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com/zousynod05@gmail.com

To

--	--	--	--	--	--

Edited and Published by the Editor on behalf of the Zou Presbyterian Church Synod

Khristian Tangkou

Vol. No. 50 || Issue No. 11 || November, 2014

Editorial Board

Editor : Rev. Tualzachin - 9862829526
Joint Editor : Rev. Stephen Chinzathang
- 9863042789
ct_stephen@yahoo.com
Cir. Manager : Upa Jamsianmung - 9862086615
sianmung@rediffmail.com
Bus. Manager : Kamgenpau - 8974612937
Sye T. Ginzahau - 8974438842
Cont. Editors : Upa S.K. Khama - 9856406454
Rev. Awnkhankhup - 9862828921
Rev. M.G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- Moderator:
Rev. Hangpi Manlun
- Moderator Elect:
Rev. P. C. Manga
- Secretary Sr.:
Upa Khupsuankham
- Secretary Jr.:
Upa Ngulchinkham
- Treasurer:
Upa T. Lamkothawng
- Statistician:
Upa Suankhanmang
- Exe. Secretaries:
Rev. Tualzachin
Rev. Stephen Chinzathang

Copies - 1000

AMAN

Kumkhat ah	- ₹	50/-
Post ah	- ₹	100/-
Copy khat ah	- ₹	6.50/-
Life Member Fee	- ₹	1,000/-
Patron Member Fee	- ₹	2,000/-
Memorial gift	- ₹	2,000/-

A sung thu

- Editorial..... 01
- Thu tuomtuom 02
- Pasian gam vaihawmna..... 04
- Gasuo hinkhuo..... 09
- Eima leh eima siem kitan 13
- Lei kisiem chil a gawsa..... 14
- Laisim kitha pat kia va ui..... 16
- Office nasep dan.....17
- Reports 18
- ZPWF Column 22
- Suunna..... 23

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. Retd. V.Vungzalian	20. Rev. Retd. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhoichin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. Pu T. Kuppa	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatthang Taithul	104. Pu Kamkhanpau
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu Kamgenpau	114. Rev. Mangsuanthang	115. Pu Lamchinhou	116. Upa Pauchinlel
117. Kimneihei	118. Nh. Niangsuannuam	119. Nu Ngaikhanvung	120. P. Sanjiv Zou

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngaiuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang